

КОМИ РЕСПУБЛИКАСА КОМИ КЫВ КОМИССИЯЛӨН

2011 вося ода-кора төлысь 10 лун

13 №-а

СЁРНИГИЖӨД

Волісны: Марков В.П., Цыпанов Е.А., Карманова А.Н., Коснырева Е.Г., Макарова Н.Д., Попова Н.А., Федина М.С.

Видлалісны да сөгласуйтісны Коми Республикаса Оланподулысь 77-79 статьяяс:

77 статья

Коми Республикаса Каналан Сөветөн вынсьөдөм оланпасыс дас лунөн мөдөдсьө Коми Республикаса Юралысьлы йөзөдөм могысь.

Коми Республикаса Юралысь йөзөдө Коми Республикаса оланпассө, оланпас йөзөдөмсө эскөдө кырымалөмөн либө вештө оланпассө воөмсянныс дас нель лунөн. Коми Республикаса Юралысь кө вештө Коми Республикаса оланпассө, вештөм оланпассө бөр мөдөдөны Коми Республикаса Каналан Сөветө вештөмсө подулалөмөн либө сэтчө вежсьөмьяс да (либө) содтөдыяс пыртны вөзйөмөн.

(2003.12.01 лунся 72-РЗ №-а КР Оланпаслөн редакцияын)

Коми Республикаса Юралысь кө вештө Коми Республикаса оланпассө, Коми Республикаса Каналан Сөвет вермас ошкыны тайө оланпассө воддза вынсьөдөм редакцияөн урчитөм депутат лыдысь кык коймөд юкөнысь унджык гөлөсөн.

Воддза вынсьөдөм редакцияын ошкөм Коми Республикаса оланпассө Коми Республикаса Юралысь оз вермы вештыны мөдысь да сійөс колө йөзөдны сизим лунөн.

Воөмсянныс дас нель лунөн колө кырымавны да йөзөдны тшөтш и Коми Республикаса Юралысьөн вештытөм оланпас.

Квайтөд юкөнсө киритөма. - 2009.04.16 лунся 12-РЗ №-а Оланпас.

78 статья

Ассьыс уджмогъяс олөмө пөртан кадө Коми Республикалөн Каналан Сöветса депутатлы быть колө кутчысьны федеральной оланпасьясөн урчитөм депутат уджкөд йитчөм дзескөдөмъясө.

(медводдза юкөныс 2006.11.20 лунся 114-РЗ №-а КР Оланпаслөн редакцияын)

Коми Республикалөн Каналан Сöветса депутатлөн, коді олөмө пөртө ассьыс уджмогъяссө пыр уджалан профессиональной подув вылын, абу инөдыс уджавны мынтысяна мөд удж вылын, велөдөм, научной да мукөд творческой уджысь кындзи, мөдтор кө абу артыштөма Россия Федерацияса оланпастэчасөн.

Депутат оз вермы вөдитчыны аслас статусөн, уджыс кө сылөн абу йитчөма депутат уджмогъяс олөмө пөртөмкөд.

Коми Республикалөн Каналан Сöветса депутатлы инөдыяс да уджмогъяс мытшөдтөг да бура олөмө пөртөм могысь лөсьөдөны уджалан ног. Депутат удж нуөдөм вылө тыр позянлуньяс урчитсьöны Коми Республикаса оланпасөн.

(2003.12.01 лунся 72-РЗ №-а КР Оланпаслөн редакцияын)

Коми Республикалөн Каналан Сöветса депутатөс вөрзбөдны позьтөмлун вылө тыр позянлуньяс урчитсьöны федеральной оланпастэчасөн.

(витөд юкөныс 2003.12.01 лунся 72-РЗ №-а КР Оланпаслөн редакцияын)

Коми Республикалөн Каналан Сöветса депутатөс вермасны корны чөвтны бөрйысысыяс.

Каналан Сöветса депутатъяслөн уджкөд да найөс чөвтны корөмкөд йитчөм юалөмъяс видлавсьöны Коми Республикаса оланпастэчас серти.

79 статья

Коми Республикаса Каналан Сöветлысь уджмогъяс вермасны кадысь водз дугöдны, кор:

- 1) Каналан Сöвет вынсьöдö ассъыс уджсö дугöдöм йылысь шуöм;
- 2) Каналан Сöветлысь уджсö дугöдö Коми Республикаса Юралысь тайö статьяса мöд да коймöд юкөнъясöн урчитöм подув вылын да пöрадокöн федеральнöй оланпастэчас серти;
- 3) вынсялö Коми Республикаса Медвылыс Ёрдлөн помшуöм сы йылысь, мый Каналан Сöветса депутатъяслөн тайö котырыс абу инöда, тшöтш и сэки, кор депутатъяс эновтчöны асланыс уджмогъясысь;
- 4) Коми Республикаса Каналан Сöветлысь уджсö дугöдöны Россия Федерацияса Президентлөн помшуöм серти федеральнöй оланпасöн урчитöм подув вылын да пöрадок серти.

(4 пунктъс 2005.05.17 лунся 47-РЗ №-а КР Оланпаслөн редакцияын)

Коми Республикаса Юралысьлөн эм инöд вынсьöдны Коми Республикаса Каналан Сöветлысь уджмогъяс кадысь водз дугöдöм йылысь помшуöм, кор:

- 1) Коми Республикаса Каналан Сöвет кö вынсьöдö Коми Республикаса Оланподув, Коми Республикаса оланпас, мукöд нормативнöй инöда акт, кодъяс мунöны паныд Россия Федерацияса Оланподувлы, Россия Федерациялөн веськöдлантор кузя да Россия Федерациялөн да Россия Федерацияса субъектъяслөн öтвыв веськöдлантор кузя вынсьöдöм федеральнöй оланпасъяслы, Коми Республикаса Оланподувлы, татшöм паныд мунöмъяссö кö индöма лöсялана ёрдөн, а Коми Республикаса Каналан Сöвет эз бырöд найöс ёрдлысь помшуöмсö вынсялан лунсянь квайт тöлысьöн;
- 2) лöсялана ёрдлөн вынсялöм помшуöмөн кö урчитöма, мый инöда котырөн бöрийöм Коми Республикаса Каналан Сöвет куим тöлысь чöж помся эз нуöd чукöртчылöм, либö кор лöсялана ёрдлөн вынсялöм помшуöмөн урчитöма, мый инöда котырөн вылысь бöрийöм Коми Республикаса Каналан Сöвет инöда котырөн бöрийöм лунсянь куим тöлысь чöж эз нуöd

чукöртчылöм. Коми Республикаса Каналан Сöветлысь уджмогыяс кадысь водз дугöдöм йылысь помшүöм вермасны примитны (вöчны) лöсялана ёрдлön помшүöм вынсялан лунсянь куим тöлысьöн.

(мöд юкöныс 2007.11.08 лунся 93-РЗ №-а КР Оланпаслön редакцияын)

Коми Республикаса Каналан Сöветлысь уджмогыяс кадысь водз дугöдöм йылысь Коми Республикаса Юралысьлön помшүöм вынсьöдсьö индöдön.

Коми Республикаса Каналан Сöветлысь уджмогыяс кадысь водз дугöдöм йылысь помшүöм вынсьöдöм бöрын индöны Коми Республикаса Каналан Сöветö федеральной оланпас, Коми Республикаса Оланподув да (либö) Коми Республикаса оланпас серти чередтöм бöрйысьöмьяс. Индöм бöрйысьöмьяс нуöдсьöны федеральной оланпасön урчитöм кадö.

(2005.05.17 лунся 47-РЗ №-а; 2007.05.08 лунся 35-РЗ №-а КР Оланпасьяслön редакцияын)

Комиссияön веськöдлысь

В.П.Марков

Комиссияön веськöдлысьöс вежысь

Е.А.Цыпанов

Кывкутысь секретар

Е.Г.Коснырева